




教育部審定

C8
200
1912

共和國
教科書
新歷史

高等小學校
第五冊
春季始業
學生用

商務印書館發行



42088

教科書文庫

4
200
63-1912
20063
02646



目次

第十一	第十	第九	第八	第七	第六	第五	第四	第三	第二	第一	授課時數
南北之分立	兩晉之世	秦漢之文化	三國之興亡	東漢之世	西漢之世	秦之帝制	太古三代之文化	春秋戰國時代	三代之事業	三皇五帝	二

春季新歷史

第五册 目次



第十二 兩晉南北朝之文化

第十三 隋之統一

第十四 唐之盛世

第十五 唐之衰亡

時間分配方法附

每篇教授二時者，其分配方法，可分三種：(甲)每篇平分二段，每時教授一段；(乙)每篇分二段，第一段較多，第二段較少，第一時教授第一段，第二時教授第二段，并複習全篇；(丙)不分段落，第一時教授，第二時復習，其每篇教授三時以上者，以此類推。(如三時者可分二三段，四時者可分三四段，或竟不分段落，視各篇內容而定)

一一
一一
一一
一一

春季新歷史第五冊

第一 三皇五帝

中國最古之民族

我中國自古時其人民已不僅一族。在南方者為苗族。在北方者為獯鬻族。在東方濱海之區者為引弓之民。謂之東夷。在西方山谷之間者為荷戈之民。謂之西戎。

苗族本中國最古之民族。上古時其人已知稼穡。立刑法。厥後漢族自西方來。踰崑崙。涉流沙。始居於黃河上游。生殖日繁。於是大河南北。其次為漢族。所有文化益進。後世稱之曰華夏之民。亦曰華人。

我國古史相傳最初之君曰盤古氏。其次為三皇。曰天皇。地皇。人皇氏。但年代荒遠。無可稽考。又次為有巢氏。教民巢居。燧人氏。教民火食。最後為五帝。即伏羲。神農。黃帝。堯。舜。是也。

伏羲都陳。今河南淮陽始有書契之文。嫁娶之儀。網罟犧牲之用。神農

五帝

三皇

都曲阜曲阜今山東縣始有農業商業醫藥以利民生黃帝本神農諸侯與蚩尤戰而戮之代神農為天子北逐獯鬻都於涿鹿涿鹿名在今直隸鹿縣之阿時天文算術漸昌明衣冠器用宮室之制漸備文字亦漸發達

堯都平陽平陽今山西縣性仁且智上下悅服萬方咸和後禪位於舜舜都蒲坂蒲坂今山西縣任賢去惡以阜民財解民慍為心後禪位於禹二帝皆能為人民服務勤勞畢生且皆選賢以自代故後世稱之

第二 三代之事業

夏商周謂之三代亦曰三王以三代之君皆稱王而不稱帝也三王之首為夏王禹先是帝堯時洪水為患堯使禹之父鯀治之無功舜戮鯀用禹禹在外十三年生子不顧過家不入導川注於海民始安居禹受舜禪都安邑安邑今山西縣分中國為九州以建寅月為歲首即陰曆之正月也禹卒國人念其治水之功愛民之德仍立其子為王於是天

夏代

禹九州圖



子之位復成世襲傳至於桀暴虐無道殺戮豪傑為商湯所滅

商代

周代

始業

商務印書館印行

商湯順民心以除暴主開革命之局遂為天子都於亳。今河南偃師縣南以伊尹為相其後盤庚改國號曰殷傳至於紂居朝歌。今河南淇縣作炮烙之刑殘害諸侯百姓諸父比干諫剖視其心周武王率眾來伐紂自焚死武王既滅商大封功臣同姓為諸侯都於鎬。長安今陝西子成王嗣立年幼周公攝政制禮樂定官職三代文物以周為最盛傳至穆王得八駿馬遨遊海內樂而忘返徐偃王者東夷之長也行仁義諸侯歸之欲代周為天子穆王馳歸使楚人伐徐偃王走死其後厲王暴虐為國人所逐周定公召穆公共和行政旋立其子宣王周室復興幽王繼之寵褒姒廢王后及太子王后之父申侯以犬戎攻周遂殺幽王

第三 春秋戰國時代

西周既亡諸侯立幽王之子平王東遷洛邑。洛今河南洛陽縣南嗣後遂為春秋之世天子徒擁虛名實權為強大諸侯所奪謂之五霸

春秋列國圖



桓公為五霸之首以管仲為相九合諸侯北伐山戎南征楚宋襄

五霸

春季

第五册

三

吳越迭興

公繼之。為楚所敗。既而晉文公敗楚師。霸業遂世傳於晉。其時與晉為敵者。惟秦穆公未幾。楚莊王亦起於江漢。與晉爭霸。自此以後。晉楚競爭最烈。諸侯或附晉。或附楚。當時之中國。實為晉楚二大勢力所範圍。迨吳越出而晉楚之勢皆絀。吳楚世相攻。楚幾為吳所滅。至吳王夫差而愈強。南降越。北敗齊。代晉為盟主。吳之降越也。虜其王句踐。旋縱之歸。句踐苦身焦思。謀吳二十年。吳不設備。越卒併吳。句踐遂為霸者。春秋之後。齊大夫田氏篡齊。據山東。晉大夫韓趙魏三家分晉。據山西。及直隸河南之一部。秦據陝西甘肅四川。燕據直隸遼東。楚人滅越。據兩湖江浙及河南之一部。各稱王。謂之七雄。相攻不已。故曰戰國。秦孝公相商鞅發兵攻魏。敗之。魏王獻地以和。六國皆恐。蘇秦說六國合從。使合力攻秦。秦使張儀以連橫說六國。六國遽背從約而事秦。自儀秦為六國所重。游說之士一時大盛。列國君相亦爭致食客。或至

戰國七雄

戰國四君

數千人。齊孟嘗君。趙平原君。魏信陵君。楚春申君。尤為世所稱。孟嘗君時。齊閔王勢方盛。與秦稱東西帝。已而皆去帝號。先是閔王父宣王嘗滅燕。至閔王又滅宋。恃勢暴虐。燕昭王以樂毅為將。率諸侯之師滅齊。齊將田單敗燕師。復齊國。六國自相殘害如此。秦人因之。遠交而近攻。戰勝而攻取。莊襄王時。遂滅周。及始皇即位。六國皆為所滅。

六國自相殘害

第四 太古三代之文化

凡一國之民。皆由各族混合而成。我國亦然。故上古時。雖中原為華夏之民。而東西南北。為蠻夷戎狄各族。然五帝三王。實為各民族之共主。非第華夏一族之君也。歷年既久。各族漸相混合。於是南蠻附於楚。東夷合於齊。魯吳越北狄。入於晉。西戎併於秦。遂與漢族同化為一矣。中國之文化。亦由各族文化混合而成者。漢族之至中國也。凡西方天算之術。車戰之制。莫不挾以俱來。既入中國。則學苗民之農業。而用

太古民族之混合

太古文化之混合

封建制度

其肉刑。又如齊之鐵器。實創於東夷。秦之板屋。實起於西戎。其後趙武靈王。胡服騎射。以強其國。車戰終廢。此尤有影響於政治文化者也。中國自古用封建之制。天子臣諸侯。諸侯臣大夫士。各有土地人民。是為貴族時代。黃帝時凡萬國。周初尚有千八百國。春秋之世。存者百餘。戰國時能獨立者。僅七國。強吞弱。大併小。故國益少也。三代庶人有義務而無權利。是以納稅當兵。任負極重。而政治學術。毫無其分。至戰國而封建之制壞。人人咸得自進為卿相。貴賤之階。級始廢。

文字學術

自伏羲畫八卦。文字漸滋。黃帝命倉頡造六書。學術文章。由是而出。孔子修正易詩書禮春秋。集古代學術之大成。為儒教之祖。老子著道德經。說清淨無為。別開宗派。至於三代文章。自五經外。若左丘明之左傳。屈原宋玉之楚詞。亦後世文章之祖也。

第五 秦之帝制

共高一〇一

秦稱皇帝

秦始皇滅六國。統一海內。自謂德過三皇。功高五帝。因建號皇帝。都咸陽。咸陽今陝西咸陽縣厲行專制。尊君卑臣。舉海內人民土地。悉為一家所私有。

秦之內政

始皇廢封建之制。分全國為三十六郡。郡置守尉監。守治民。尉統兵。監察之。中央政府置丞相。佐皇帝理國事。皇帝統全國之兵權。政權。督責臣下。使之治民。法令刑賞。悉出於皇帝。

秦之外征

始皇既張君權。慮人民叛之。乃收民間兵器。銷以為金人。徙其豪富於咸陽。以遏亂萌。又慮臣民議其政治。乃燒詩書。凡偶語及之者。棄市。使專習秦之法。令俾無異心。且坑儒生四百餘人。以警誹謗者。始皇命將軍蒙恬發兵三十萬。北擊匈奴。收河南地。今綏遠郡築長城。起臨洮。今甘肅岷縣直抵遼東。又發卒取五嶺以南地。以五十萬人守之。始皇卒。子胡亥立。是為二世皇帝。以宦者趙高為丞相。人民苦秦之暴。陳勝吳廣起兵於蕪。在今安徽四方響應。項羽劉邦亦起兵。項羽大破

秦亡

楚漢之爭

漢削弱諸侯

始業錄

商務印書館印行

秦軍劉邦別引兵進攻秦趙高懼殺二世立其姪子嬰為秦王子嬰誅趙高降於劉邦旋項羽入咸陽殺子嬰焚秦宮室火三月不滅秦亡

第六 西漢之世

秦既滅亡項羽為諸侯盟主稱西楚霸王江北以劉邦為漢王巴蜀漢中漢王進取關中率諸侯伐楚自是以後戰爭不已漢王使蕭何居守張良運謀韓信任戰羽不能敵解兵東走自剄於烏江徽在今縣漢王即帝位都長安長今陝西是為漢高祖大封功臣韓信等為王侯既而患其勢強以計漸除之改封親子弟為王高祖卒后呂氏專政分王諸呂后卒大臣誅諸呂立高祖子文帝帝仁慈恭儉國內太平然諸王漸跋扈至文帝子景帝時反者七國久之始定由是朝廷約束諸王侯益嚴中央主權日固景帝子武帝即位遂得致力於外征方漢之始起也匈奴冒頓單于亦興於北方東滅東胡西屬西域南

漢三十州部圖



春季新歷史

第五册

六

始業... 商務印書館印行

征漢武之外

取河南之地。嘗困高祖於白登。大在同今山西後雖與漢和親。然南侵仍不
已。武帝乃命衛青收河南地。建為朔方郡。修繕秦時長城。進據陰山。匈
奴之根據遂失。其後衛青霍去病迭敗匈奴兵。沙漠以南。概入於漢。
武帝使張騫往西域。宣布漢威德。西域三十六國皆屬於漢。更服烏
孫。擊今伊破大宛。擊今浩使匈奴。勢力不能伸於西方。武帝又徙東甌滅閩
越南越。服屬西南夷。中國南部之地。日以開拓。朝鮮自古屬中國。漢初
衛氏據之。武帝發兵收其地。以為郡縣。於是韓倭諸國相繼入貢。
武帝因國土益廣。立十三州。部置刺史。督察郡國。畿內則由司隸
校尉督察之。至武帝曾孫宣帝時。又置西域都護。以統諸國。時匈奴單
于亦來朝。為漢室最盛之世。宣帝卒。昏庸相繼。遂為外戚王莽所篡。


第七 東漢之世

王莽篡立。國號新。在位未幾。內外皆叛。漢宗室劉秀起兵。誅莽。旋稱

東漢之興

征東漢之外

東漢時西域諸國圖



帝統一海內。都洛陽。今河南洛陽是為東漢。光武帝
修明政治。崇尚儒術。明
章和三帝嗣之。教化普
行。國內安富。得以恢威
力於遠方。
匈奴乘王莽之亂。叛
擾漢邊。西域皆附匈奴。
會匈奴內亂。分為南北。
南匈奴歸於漢。明帝遣
將與南匈奴合兵。屢敗
北匈奴。和帝時。竇憲大

春季新歷史 第五册 七

之外戚宦官

破北匈奴勒銘燕然山在蒙古外後又大破之金微山同上北匈奴之地遂空
 明帝既敗北匈奴留兵守伊吾今哈密縣別遣班超使西域降鄯善時
 西域諸國南道以于寘今新疆焉耆縣為強北道以龜茲今新疆庫車縣為主超先服
 于寘鎮撫南道遂入疏勒今新疆喀什縣發諸國兵以次平龜茲莎車
 縣今新疆葉爾羌縣焉耆今新疆焉耆縣西域遂定和帝以超為西域都護
 和帝之後漢室漸衰和帝嘗與宦官謀誅外戚竇氏由是外戚宦官
 相軋不已外戚喜擁立幼帝使太后臨朝自居要職宦官輒與幼帝陰
 謀除之桓靈二帝尤信任宦官貪惡日著外戚竇武謀誅宦官不克而
 死大臣及清議之士蒙禍者甚眾親黨皆禁錮其後外戚何進又謀誅
 宦官被殺於是董卓引兵入洛陽廢幼主立獻帝海內大亂東漢遂亡

第八 三國之興亡

先是靈帝時張角創太平道其眾以黃巾為識欲代漢自立擾亂諸

曹魏

蜀漢

孫吳

方朝廷置州牧以鎮壓之外權由是漸重及董卓行廢立關東州郡起
 兵討卓眾心不一各據地自雄後悉為曹操劉備孫權所吞併
 曹操據兗豫二州時董卓已誅操迎獻帝都於許今河南握朝權以
 次滅呂布袁紹北方之地悉歸於操嘉魚今湖北南降荆州引軍浮江東下孫權將
 周瑜與劉備合兵大破之於赤壁嘉魚今湖北操後與劉備爭漢中亦不
 能勝操卒子不受獻帝禪國號魏是為魏文帝
 劉備自赤壁戰後領有荊益二州以關羽守荆州關羽欲進取中原
 曹操孫權皆懼合謀襲羽羽敗死遂失荆州及曹丕篡漢備亦自立是
 為昭烈帝欲復羽仇以兵伐孫權又為所敗昭烈卒子後帝繼位
 孫權據有江東南至於交廣後帝時權稱帝國號吳是為吳大帝蜀
 吳連和以攻魏蜀相諸葛亮尤以恢復中原為志先定雲南以絕後顧
 憂始出師北伐與魏將司馬懿相持魏人甚苦之亮卒司馬懿父子專

魏政迭行廢弒。司馬懿之子昭遣將攻蜀。後帝降。魏帝旋禪位於司馬昭之子炎。國號晉。吳自孫權後內亂相繼。為晉所滅。三國皆亡。

第九 秦漢之文化

封建時代。君臣之分未嚴。專制之權。天子不能獨擅。秦廢封建。全國悉為所有。皇帝有無上威權。法令禮制。務尊君而卑臣。人民毫無勢力。然壓抑既甚。革命易起。故秦漢以來。王朝迭更。年祚無復。三代之長。戰國學術最盛。百家并起。秦漢專制。或焚或廢。於見漢人專究五經。謂之經學。東漢時。佛教始入中國。其後又有張角之太平道。張陵之五斗米道。皆託於老子為道教之濫觴。至於文家。則有秦李斯。漢司馬相如。揚雄。魏曹植。史家則有漢司馬遷。班固。皆天才博麗。為世所稱。黃帝始鑄銅為兵。迄於秦時。皆為銅器時代。秦始皇收民間兵器。鑄為金人。金人即銅人也。然古時東夷已知鑄鐵之術。齊人因之以富其

政制
學術

器用

交通

國。其後吳越更得鍊鋼之法。鑄為刀劍。當時寶之。號為神物。至西漢而鑄鐵之業大盛。郡縣遍置鐵官。中國始完全入於鐵器時代矣。


交通之事。莫盛於兩漢。一為東方自朝鮮歸漢。倭韓爭入貢。倭王遂受漢魏之冊。封一為南方漢武欲通印度而未果。明帝時遣人往印度求佛經。僧徒來往漸繁。印度文化因之輸入。一為西方中國絲織之物。為外國所好。羅馬尤極貴重。東漢初羅馬欲通中國。班超在西域亦欲通羅馬。皆不成功。至桓帝時羅馬始遣使來聘。開泰東西交通之端。

第十 兩晉之世

司馬炎繼魏為帝。國號晉。是為晉武帝。都洛陽。既滅吳。罷州郡兵。封子弟為王。公分鎮要都。武帝卒。子惠帝立。后賈氏專政。與汝南王亮爭權。使楚王瑋殺之。而以矯詔之罪殺瑋。趙王倫殺賈后。廢帝自立。齊王問等舉兵致討。復立帝。殺趙王長沙王乂。殺齊王東海王越。又殺長沙

王。而與成都王穎河間王顯
相攻。成都河間先後被殺。世
稱八王之亂。五胡因之起。
五胡者。匈奴羯氏羌鮮卑
也。東漢以來。五胡雜居內地。
匈奴羯居山西。羌居甘肅。
陝西。鮮卑居遼西。至是匈奴
劉淵據平陽。稱漢帝子聰。嗣
位。滅西晉。虜懷帝愍帝。以歸
聰。死而國亂。劉曜稱帝。是為
前趙。羯族石氏滅之。是為後
趙。其後鮮卑慕容氏稱前燕。


一 第 圖 國 列 晉 東



趙後 成 燕前 趙前 涼前

氏。族。苻。氏。稱。前。秦。共。分。後。趙。之
地。前。秦。苻。堅。勢。最。強。滅。前。燕。及
前。涼。張。氏。服。屬。西。域。統。一。北。方。
是。為。東。晉。僅。有。南。方。且。巴。氏。李。
氏。據。四。川。稱。成。帝。其。後。桓。溫。雖
滅。成。而。北。伐。無。功。苻。堅。侮。晉。之
弱。傾。國。入。寇。大。敗。於。澠。水。於。是
北。方。復。分。裂。羌。族。姚。氏。滅。前。秦。
據。陝。西。是。為。後。秦。後。燕。據。直。隸。
山。西。後。魏。及。夏。分。據。山。西。陝。西。
北。邊。而。據。甘。肅。者。尤。多。凡。後。涼。

二 第 圖 國 列 晉 東



秦後 燕後 秦前
涼後 夏

北涼南涼西涼西秦五國諸國以後燕後秦為最強後燕旋分為二一
據遼西為北燕一據山東為南燕東晉劉裕北伐滅南燕後秦各國亦
互相吞併僅存夏北涼北燕三國旋相繼併於後魏五胡十六國皆亡

第十一 南北之分立

劉裕受東晉禪是為宋武帝領有南方北方則後魏領有之後魏為
鮮卑族姓拓跋氏始居蒙古後遷山西北部肥水戰後拓跋珪建國稱
帝都平城同今縣山四大是為後魏道武帝傳至其孫太武帝滅北方諸國
敗柔然服屬高麗西域統一北方與宋對峙中國由是分為南北朝
宋武帝之子文帝以兵攻後魏為太武所敗宋勢始衰數傳皆昏主
為蕭道成所篡是為齊高帝繼嗣亦多狂昏為蕭衍所篡是為梁武帝
宋齊易代之際正魏國隆盛之時太武數傳至孝文帝遷都洛陽禁胡
服胡語使國人與漢族結婚又改正姓氏崇尚文學民俗因之丕變

宋齊梁之興

魏分東西

北齊北周及陳之興

種族風俗

孝文之後魏政日亂嬖倖擅權爾朱榮大戮王公立孝莊帝旋被誅
紛擾逾甚魏遂分為東西高歡奉東魏宇文泰奉西魏相攻不已時梁
武帝建國江南已四十餘年民物豐盈國家安樂會東魏大將侯景來
奔以梁師伐東魏敗績武帝與東魏和侯景怒引兵陷建康武帝憂憤
而卒景自立為帝武帝子元帝遣兵誅景即位於江陵今湖北江
東魏禪位於高歡之子是為北齊乘梁之喪亂略其江淮之地西魏
亦取梁之巴蜀進伐江陵殺梁元帝宇文泰之子受西魏禪是為北周
梁將陳霸先亦即位於江南是為陳武帝北周武帝賢明勤政北齊昏
暴相承遂併於周武帝卒再傳為楊堅所篡又發兵滅陳南北復統一

第十二 兩晉南北朝之文化

西晉統一未久中國復分裂據北方者為五胡及北朝據南方者為
東晉及南朝北方種族最繁其後或互相吞滅噍類無遺或漸染華風

始業新 商務印書館印行

學術宗教

混同爲一。南方境內日關。山越俚蠻之屬。亦多齒於齊民。惟南朝最崇門第。寒微之人不能通顯。北朝亦效其風。故社會之階級殊未平等也。魏晉之世。士人厭棄兩漢經學。好談新理。謂之清談。甚至蔑棄禮法。置世事不顧。論者謂晉之衰亡。清談誤之也。南北朝最崇佛教。後魏季世。僧尼至二百萬人。佛寺至三萬餘區。南朝如梁武帝。陳武帝。皆舍身爲三寶。佛教遂爲中國有力之宗教。晉人多奉五斗米道。後魏道士寇謙之。特創新派。整飭科儀。魏帝崇信之。道教之基礎由是立矣。交通以南北朝爲盛。北朝交通多在西北。南朝交通多在東南。後魏時。柔然據蒙古。後魏勝之。又遣使通西域。於是東自高麗。西至波斯。莫不入貢。商賈僧徒。彼此相望於道。南朝以好佛名。值南洋諸國佛教大興之時。故印度。以東。爪哇。以北。咸慕仰中國。相繼貢獻。宋文帝。梁武帝。時爲尤盛。日本歷代之君。亦入貢南朝。世受爵職。輸入中國之文化。

交通

隋文帝之治國

第十二 隋之統一

楊堅篡周位。國號隋。是爲隋文帝。旋平陳。統一南北。都長安。帝性猜忌。好專制。然有治才。且能勤事節用。故在位二十餘年。國家日以殷富。子煬帝嗣之。建長安洛陽爲兩都。築長城於西北邊。開汴渠。邗溝。永濟渠。江南河。可由長安舟行至江南。大營宮殿苑囿。造龍舟。以恣遊觀。徭役煩酷。死者甚衆。

煬帝之事業

突厥

帝又用兵林邑。吐谷渾。琉球。而與突厥親好。突厥起於後魏。季世。逐柔然而有其地。隋初分東西二部。西突厥據新疆及葱嶺以西。東突厥據內外蒙古。都於金河。在今綏遠煬帝即位。東突厥可汗首來朝。西域諸國及西突厥亦相繼入貢。惟高麗王不至。帝大發兵攻之。高麗始降。煬帝之征高麗。勞師費財。人民逾困。加以頻歲饑荒。羣雄遂四起。建名號稱帝王者。不可勝數。煬帝置不問。惟宴樂於江都。江今蘇州卒爲其

春季 第五册 十二

隋之滅亡

下所殺。李淵入長安。奉其孫為帝。旋奪其位而自立。隋稱帝僅三十九年而亡。後世秦隋并稱。皆能統一海內。創制度為後代法。然秦始皇刻酷於前。二世煬帝荒暴於後。卒為後世所詬病。


第十四 唐之盛世

貞觀之治

李淵稱帝。國號唐。是為唐高祖。時羣雄據地。不相下。高祖子秦王李世民。善用兵。盡殄滅之。海內復統一。尋受高祖禪。是為太宗。任房玄齡。杜如晦。魏徵諸人。勵精圖治。因山川形勢。分國內為十道。又好學崇儒。興教育。輕徭賦。人民安樂。後世稱為貞觀之治。貞觀者。太宗年號也。太宗遣李靖等伐東突厥。破之於陰山。東突厥遂亡。契丹室韋。項諸部皆內附。遠方爭入貢。奉太宗為天可汗。太宗又遣李靖平吐谷渾。侯君集破吐蕃。吐蕃請婚。妻以宗女。佛教及中國文化。始輸入西藏。其後又滅高昌龜茲及薛延陀。西域外蒙古。概屬於唐。

太宗為天可汗

唐 十 道 圖



漢唐之聲名

東方之高麗。百濟。數與新羅構兵。太宗伐高麗。無功。子高宗立。先滅西突厥。以靖西方。遂平百濟。敗日本。降高麗。服屬新羅。置六都護府。以統諸邊。威令所被。幾亞細亞之大半。聲名遠與漢侔。蓋自漢武帝以來。西北諸國。習稱中國。為漢及唐。太宗以後。東南諸國。亦習稱中國。為唐。可知漢唐二朝。實能代表當時中國。活潑之民族也。

武韋之禍

高宗卒。其後武氏廢中宗。而自立。國號周。大殺唐宗室。晚年中宗復位。中宗后韋氏欲效武后之專政。潛害中宗。為玄宗所誅。是為武韋之禍。玄宗即明皇也。始即位時。慕貞觀之治。勤政親賢。後耽於佚樂。寵任李林甫。楊國忠。安祿山。迭授祿山重鎮。河以北皆屬之地。廣兵強祿山。遂反。陷洛陽。長安。玄宗奔蜀。太子即位於靈武。靈今甘肅武縣是為肅宗。時回紇據外蒙古。勢力盛。肅宗借其兵。與郭子儀。李光弼諸軍攻祿山。祿山及其將史思明。先後稱帝。皆為其子所殺。兩京始恢復。是為安史之亂。

安史之亂

第十五 唐之衰亡

藩鎮之強

先是玄宗置節度使於邊要。以為重鎮。自安史亂後。河北諸鎮皆祿山故將。朝廷徒羈縻之。甚至內地亦徧置節度。擁強兵。專賦稅。歷肅宗。代宗。德宗三朝。皆不能制。傳至憲宗。以英武稱。力平叛亂。諸鎮始稍聽命。憲宗志得意滿。晚年為宦官所害。藩鎮之勢復起。

宦官之禍

唐初宦官權任甚輕。玄宗晚年宦官漸預國事。肅代德三帝時宦者至封王。拜大將軍。內管樞密。外監軍事。雖敗壞國家。內外共疾。而諸帝甘心聽之。憲宗以後。殺君立君。一任其意。朝野不敢問。至文宗時。與宰相謀誅宦官。事洩。宦官大戮公卿。嗣後天子不得不聽命於宦官矣。
文宗卒。宦官立武宗。以李德裕為相。內平叛鎮。外撫黠戛斯。今之吉恩日深。武宗卒。宦官立宣宗。僧孺之黨為相。德裕及其黨皆遠竄。牛李黨

牛李黨爭

唐亡

爭前後四十年乃已。朝政因之日紊。加以宦官藩鎮之暴橫。國運益壞。僖宗時。遂有黃巢之亂。兵燹殆遍於全國。巢因稱帝於長安。黃巢之起也。以掃除朝廷為言。顧志在帝王。且所率皆暴亂之眾。卒為官軍所平。巢將朱溫降於唐。賜名全忠。使鎮汴。封今河南開封僖宗卒。宦官立昭宗。宰相崔胤與昭祖謀誅宦官。召全忠。全忠引兵入京師。大殺宦官。尋挾帝遷洛陽。殺之而立哀帝。未幾廢哀帝而自立。唐亡。

春季新歷史第五冊終

歷朝統系表第一

上古（燧人以前年系無考伏羲至帝舜凡二千二百七十三年起民國前六三八九終民國前四一七）

盤古氏—天皇氏—地皇氏—人皇氏—有巢氏—燧人氏—伏羲氏—神農氏—黃帝—少昊—顓頊—

帝嚳—帝摯—帝堯—帝舜

夏（姒姓凡十七王四百三十九年起民國前四一一六終民國前三六七八）

禹—啟—太康—仲康—相—少康—杼—槐—芒—泄—不降—扃—廡—孔甲—皐—發—桀

商（子姓凡二十八王六百四十四年起民國前三二六七終民國前三〇三四）

湯—太甲—沃丁—太庚—小甲—雍己—太戊—仲丁—外壬—河亶甲—祖乙—祖辛—沃甲—祖丁—

南庚—陽甲—盤庚—小辛—小乙—武丁—祖庚—祖甲—廩辛—庚丁—武乙—太丁—帝乙—紂

周（姬姓凡三十七王八百七十四年起民國前三〇三三終民國前二一六〇）

武王發—成王誦—康王釗—昭王瑕—穆王滿—共王瓘—懿王囂—孝王辟方—夷王燮—厲王胡—

宣王靖—幽王宮涅—平王宜臼—桓王林—莊王佗—僖王胡齊—惠王闞—襄王鄭—頃王壬臣—

匡王班—定王瑜—簡王夷—靈王泄心—景王貴—悼王猛—敬王丐—元王仁—貞定王介—

哀王去疾—思王叔—考王嵬—威烈王午—安王驕—烈王喜—顯王扁—慎觀王定—赧王延

秦(嬴姓稱帝後凡三世十五年起民國前二二三終民國前二二一八)
始皇帝政—二世皇帝胡亥—秦王子嬰

漢(劉氏凡十二世二百十年起民國前二一一三終民國前一九〇四)

高祖邦—惠帝盈—文帝恆—景帝啟—武帝徹—昭帝弗陵—宣帝詢—元帝奭—成帝鸞—哀帝欣—

平帝衍—孺子嬰

東漢(劉氏凡十三世二百九十六年起民國前一八八七終民國前一六九二)

光武帝秀—明帝莊—章帝烜—和帝肇—殤帝隆—安帝祐—順帝保—沖帝炳—質帝續—桓帝志—

靈帝宏—少帝辨—獻帝協

魏(曹氏凡五世四十六年起民國前一六九二終民國前一六四七)

文帝丕—明帝叡—廢帝芳—廢帝髦—元帝奐

蜀漢(劉氏凡二世四十二年起民國前一六九一終民國前一六四九)

昭烈帝備—後帝禪

吳(孫氏凡四世五十二年^起民國前一六八三終民國前一六三二)

大帝權—廢帝亮—景帝休—皓

晉(司馬氏凡四世五十二年起民國前一六一七終民國前一五九六)

武帝炎—惠帝衷—懷帝熾—愍帝業—

東晉(司馬氏凡十一世一百有四年起民國前一五九五終民國前一四九二)

元帝睿—明帝紹—成帝衍—康帝岳—穆帝昞—哀帝丕—廢帝奕—簡文帝昱—孝武帝昌明—

安帝德宗—恭帝德文

宋(劉氏凡八世六十年起民國前一四九二終民國前一四三三)

武帝裕—少帝義符—文帝義隆—孝武帝駿—前廢帝子業—明帝彧—後廢帝昱—順帝準

齊(蕭氏凡七世二十四年起民國前一四三三終民國前一四一〇)

高帝道成—武帝曠—廢帝昭業—廢帝昭文—明帝鸞—廢帝寶卷—和帝寶融

梁(蕭氏凡四世五十六年起民國前一四一〇終民國前一三三五)

武帝衍—簡文帝綱—元帝繹—敬帝方智

陳(陳氏凡五世三十三年起民國前一三五五終民國前一三三三)

武帝霸先—文帝蒨—廢帝伯宗—宣帝頊—後主叔寶

後魏(拓跋氏十一世又西魏三世東魏一世凡一百七十二年起民國前一五二六終民國前一三五五)

五)

道武帝珪—明元帝嗣—太武帝燾—文成帝濬—獻文帝弘—孝文帝宏—宣武帝恪—孝明帝詧—

孝莊帝子攸—節閔帝恭—孝武帝修
(西魏)—文帝寶炬—廢帝欽—恭帝廓
(東魏)—孝靜帝善見

北齊(高氏凡六世二十八年起民國前一三三二終民國前一三三五)

文宣帝洋—廢帝殷—孝昭帝演—武成帝湛—後主緯—幼主恆

北周(宇文氏凡五世二十五年起民國前一三五五終民國前一三三一)

孝閔帝覺—明帝毓—武帝邕—宣帝贇—靜帝闡

隋(楊氏凡四世三十九年起民國前一三三一終民國前一二九三)

文帝堅—煬帝廣

恭帝侑
恭帝侗

唐(李氏凡二十世二百九十年起民國前一二九四終民國前一〇〇五)

高祖淵—太宗世民—高宗治—中宗顯—睿宗旦—玄宗隆基—肅宗亨—代宗豫—德宗适—順宗誦

憲宗純—穆宗恆—敬宗湛—文宗昂—武宗炎—宣宗忱—懿宗漼—僖宗儂—昭宗晔—哀帝祝

教育部審定批詞

高等小學學和國教科書

新歷史教科書及教授法

教科書第一至四冊用史談體編纂於歷代大事能提挈綱領源委分明頗覺適用第五六冊用進化史體編纂自上古代迄民國成立凡歷代廢興之大勢文化之淵源武功之盛衰中外之交涉均具大要洵小學歷史之善本教授法第一至六冊內容與秋季本相同

REPUBLICAN SERIES
CHINESE HISTORY
FOR HIGHER PRIMARY SCHOOLS
(for Two Semesters)
Approved by the Board of Education
COMMERCIAL PRESS, LTD.

中華民國七年六月一版 春季

(共和國新歷史六冊)
(第五冊定價大洋陸分對折叁分運費隨費)

編纂者 寧鄉傅運森

校訂者 長樂高鳳謙

發行者 海鹽張元濟

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 商務印書館

分售處

中華民國元年十月十九日領到文字第十六號執照
一月十九日領到文字第十六號執照

四八六七方

